

Abundansia di **Dios Tata** ta trese **Bondat** pa **nos** ku ta su yunan. Tin skirbi pa **Meditá** riba e **Palabra** den **Hosue 1:8**.

E **Palabra** rais di **Meditá** na **Hebreo** ta nifiká entre otro: **murmurá (di plaser òf rabia), yora, suspirá, keha, tristesa, papia, pensa, deliberá, studia, imaginá, siña**.

Ora abo kuminsá **pensa, deliberá i studia** e **Palabra**, e **Spiritu Santu** di **Dios Tata** por laga abo **siña**, kuminsá **yora, suspirá, keha** te asta **murmurá di plaser**. Ta esaki ta nifiká **Meditá** riba e **Palabra**. E **Bondat** ta den e **Palabra, E Palabra; Kristu Hesus**, ku a bira karni i a biba; **Tabernakel**, meimei di **nos**, i **nos** a mira **Su Gloria, Su Mahestat**, manera e úniko **Yu; Yeshua Hamaschiach** ta risibí for di e **Tata**, yen di **Grasia, Mizerikòrdia, Bondat i Bèrdat (Juan 1:14)**.

Awor ora **nos Meditá** riba **E Palabra** den e buki di **Ruth**, **nos** ta mira masha hopi kos mes ku ta dirigí **nos** na **nos Redentor; Yeshua Hamaschiach**.

Ma **Ruth** a bisa: "No keda insistí pa mi bai laga bo, ni kita mi di sigui bo; pasobra **unda ku bo bai, lo mi bai, i unda ku bo keda, lo mi keda. Bo pueblo lo ta mi pueblo, i bo Dios, lo ta mi Dios**. Kaminda bo muri, lo mi muri, i einan lo mi wòrdu derá. Ku **SEÑOR** hasi asina ku mi, i pió ainda, si kualke kos otro ku morto trese separashon entre abo i ami." (**Ruth 1:16-17**).

Ruth tabata un moabita, di un pueblo pagano. Un pueblo pagano ta un pueblo sin e **Dios** di **Abraham, Isaak i Jakob**; sin e **Dios Israelita**. **Ruth** a hasi **Bondat**, meskos ku **Kristu Hesus** kièr pa nos hasi **Bondat**. **Ruth** a skohe pa hasi **Bondat** pa un **Israelita** anto **SEÑOR** a rekompensá su obra, i hasi **Ruth** ku pago kompleto den **SEÑOR**, e **Dios** di **Israel**, bou di **Kende Su halánan Ruth** a bin buska **Refugio**." (**Ruth 2:12**).

Ruth, un pagano, a hasi **Bondat** i a konvertí bin bira parti di e **Reino Israelita**. Ora **nos** bai wak den e liña di antepasadonan di **Kristu Hesus** nos ta mira ku **Ruth**, un pagano, tabata e mama di **Obed**. **Obed** tabata tata di **Isai**, ku tabata tata di **rei David**. Nos tur sa kon e hòmber siegu a sklama: "**Hesus, Yu di David**, tene **Mizerikòrdia** ku mi!" (**Lukas 18:38**).

Bondat ta bini di **E Palabra**. **E Palabra** ta hasi un **Yamada** na **nos** pa bin tuma **Abundansia, Bida i Bèrdat** serka **Dje**.

Bondat ta bini di **Dios Tata**. **Dios Tata** a manda un **Israelita** pa **nos** por tin **Abundansia, Bida i Bèrdat** serka **Dje**.

Bondat di e **Spiritu Santu** ta den **nos** pa move **nos** ku **Zelo** pa **nos** por tin **Abundansia, Bida i Bèrdat** serka **Dje**.

E **Palabra** rais di **Bondat** den **Hebreo** ta nifiká entre otro: **Bon, Honestidat, Beyesa, Alegria, Prosperidat, Disernimentu, Benefisioso, Kontentu, Agradabel, Goso, Amor, Desensia**. Ma sabí esaki, ku den e último dianan tempunan trabahoso lo bin. Pasobra hende lo ta stimadó di nan mes, stimadó di plaka, **gabadó, arogante, blasfemadó, desobedesido** na mayoran, **malagradesido, impuru, sin Amor, irekonsiliabel**, ku **mala lenga, sin dominio propio, grosero, odiadó** di loke ta **Bondat (2 Timoteo 3:1-3)**.

5 mei 2017

Sea Bendishoná den e Amor di Yeshua Mesias

Rev. Remsly L Riley